

С (КОМИ)  
В12  
103510



**ИВАН ВАВИЛИН**

# МИЯН ПАРОХОД


КОМИ КНИЖНОЙ ИЗДАТЕЛЬСТВО 1970



Иван Вавилин

# МИЯН ПАРОХОД

*Поэма*



*Серпасъясыс В. Пунеговлён*

КОМИ КНИЖНОЙ ИЗДАТЕЛЬСТВО

*Сыктывкар 1970*

## ДОНА ЧЕЛЯДЬ!


Эн нин өти гижөд лыддывлөй ті коми поэт Иван Михайлович Вавилинлысь. Сытөн гижөдьясыс вооны сьолөм вылө серамбанныс, ыджыдтор йывсьыс кокниа, прөстөя висьталомнас, петкөдлөмнас.

«Миян пароход» поэмаын гижысыс казътыштө ылө бөрө кольөм кадсө, кор муса Войвыланым сөмын на пырис выль, Советскөй власть.

Лөкчим ю дорын олысь челядь адзылөмны пароход. Со и асьныс найө важ пыжысь вөчөны «пароход» да ветлөдлөны асланыс юөд. Кыдзи да мый сөсся лон, төдмаланнуд, кор лыдьяннуд поэмасө.

Книжка йывсьыс пасйөдьяснытө гижөй миянлы.

Адресным: Сыктывкар, Печать керка, Коми книжнөй издательство.



Г о́льясид эз вöвны нярöсь.  
Мырдөн тырті-й ме дас арöс,  
Вöлі жеб, а төв эз пöльышт.  
Батьным шуö: — Уна гöльыс!  
Ме пö, кыдзи-й тэнад пöль,  
Сиктса гöльяс вылас гöль.

А суседным — Бисин Öльö —  
Кыйöдчöмөн пурö гöльöс.  
Кöть выль власть нин сиктö пырис,  
Пыр на жöлöб дорын нырыс.  
— Батьö, налөн кызь кык ыж,  
Мöскыс сизим, куим пыж!

Бать эз вочавидз. Мый лои —  
Енъяс вылö кинас воис?  
Ставнытö пö вöтла гортысь,  
Шуö: — Весасьöй ми ордысь!  
Лэччисны ен бöрся ен,  
Югдіс-воссис пельöс стен.



— А вот öнi, ичöt пий, —  
Юрöд шылкнитiс пöсь киöн, —  
Миян тыртöм керка стенин  
Нэм чöж кутас овны, Ленин! —  
Кыськö вайöма портрет.  
Шуö: — Тöдмась, китö сет!

Ленинкöд ми вежам олöм,  
Сиктысь усйысяс став полöм.  
Регыд, пий, вот-вот регыд  
Бисин кусыньтчас, кызд мегыр.  
Миян вылын сылön рöд  
Бодзö рöдтыны оз мöд.

Ме и шуи: — Кыкнад вермад?  
— Вермам! Сöмын тэ эн тэрмась.  
Ленин вермис став буржуйсö,  
Сийö-й водзö индас туйсö...  
— Батьö, тэ он пөръясь, он?  
Сидзкö, Ленин медся ён!

Бытьö Бисин Öльлön пиыс  
Лои сэки менам кийн:  
«Ак тэ, мися, — вида Якöс, —  
Меным вöчлiн кымын пакöсьт!  
Весиг кисьтлiн ворсан чом.  
Сюрин? Öнi тэныд пом!»

Збоймылi, а Коми муö  
Воис шогсьыс на шог юөр.  
Татшöм шогсö кытчö йöртан?  
Вождьöс окала и бöрда.  
Шогсьö мир, и Лökчим вож —  
Кувсис Ленин, дона вождь.

— Ленин тышкасьлис, эз бöрдлы  
Да эз тшöктыв бöрдны мöдлы, —

Шуис бать. — Став лёксö нырам!  
Ме тшöтш партияö пыра.  
Ленин кувсис, но эз кув.  
Сы дор, пиöй, сы дор сувт.

Сийö велöдiс да тшöктiс,  
Мед ми бурсö унджык öктiм,  
Медым важыс бөр эз вужъясь,  
Тшöктiс вöчны гырысь уджъяс.  
Коркö-й тэд на, ичöt морт,  
Вичмас ыджыд вöчантор.

Тöвлөн овсис. Тэрыб тулыс  
Чожа кыпöдчис лым улысь.  
Ноко, другъяс, чöвлöй, чöвлöй!  
Татшöм тулыс тан эз вöвлы.  
Кодi аддзылис нö, код  
Лöкчим юысь пароход?

Мый мем сийö вайис сьöрсыйс,  
Мыйла тадзи сьöлöм вөрзис?  
— Пароходыс, — кылан, айö, —  
Ыджыд вöчантор öд тайö?  
Айöй гогнитыштлис юр.  
«Бать кө ошкö, сiдзкö, бур!»

Пароходыд кывтiс бөр нин.  
Ку пиö ме эг кут тöрны.  
Öтчыд шуи друглы, Васьлы:  
— Видлам кө ми вöчны асьным?  
— Пароходсö али мый?  
Видлам, сыысь мор оз лый!

Рытсёр, водiсны кор йöзыс,  
Васькöд кытшовтiм став öзын.  
Ва дор пöлөн уна пыжыд!  
Со тай Бисинлөн зэв ыджыд.





Пöшти сись нин — важмём пыж.  
Босьтам! Таысь абу мыж.

«Уджнымöс кö Бисин торкас?» —  
Гортын Ленин вылö дзорга.  
Синмыс читкыра, но öзйö,  
Быттьö кайтö: «Эм кö кöсийм,  
Вöчны, вöчны колö тэд,  
Уджтөг, тыштөг нем оз шед».

Кызд нö гөрöдсö мем разьны?  
А-а! Вичкодорын праздник!  
Бисин нювсьö важ купечкөд,  
Сидзкö, ми ог шедöй лэчкö.  
Талун сийö лоö сэн,  
Буретш тайö-й колö мен!

Гортысь вирдышти кызд скачөн,  
Бёдн шпоракыліс гачöй!  
Со и другъяс — меным паныд:  
— Корсям ва дорысь, тэ тани!  
Сöмын Митя, долём кысь,  
Няргö: — Бисинлысь ог лысьт.

— Доръяс Ленин! Ме нин шулі...  
— Лениныд öд төвнас кулі.  
— Нинөмсö эн дыдгы меным,  
Мастер сөрныд, кулас Ленин!  
Мöдiм! Ныр-вомтö эн нюв.  
Ленин кувсис, но эз кув!

Ва дор вылын пансис ноксьöм:  
Пыжлысь розьöдiм кык боксö,  
Ок и ёнöс чöрссö суйим!  
Васька нюмъөвтис да шуис:  
— Абу дорсьыд век нин эм,  
Гашкö-й, олас кык морт нэм.

Сэссия стрөгмис: — Дыр-ө легам?  
Сёнын эм кык важ телега,  
Гөгыльяссө вайой татчө.  
Он мөй мунан туйсө аддзөй?  
Петыр, Паньö, Микулай!  
Гриш! Тэ мун да вөвьяс вай.


Васьлысь кывзысям ми ставөн,  
Дас нель арөс тыртө таво.  
Шоча сөйлывліс көть яйтө,  
Батьыскөд нин плөтничайтө.  
Айыс плөтник и столяр,  
Пиыс сы кодь жө зэв яр.


— Öльөксан! Эн гыжъяв гачтө,  
Кай да котөртөд көрт пачтө!  
Өтнад, өтнад, оз ков дасөн,  
Өти сайысь вай трубасө.  
Кылан, мися, Öльөксан?  
Кок пөв сэні, мөдыс — тан!

Васьлөн мөвп оз өшйы инас:  
— Тадзнад артмас мөй машина! —  
Аслас юрө кинас вартіс, —  
Кызд ме водзджыксө эг артышт?  
Шкив өд татчө ковмас мем...  
Миша! Уджтор тэныд эм.

Öдйө мун асланыд кумысь  
Кыскы паськыд вөжжи-сюмыс.  
Мишка пыксө: — Мыйла сійөс?  
— Сьыліад тэд вөчны сійөс!  
Он кө — дукуд мед эз вөв,  
Пароходас он и сөв!

Вөчим зіб, мед өшны флагсө...  
Бисин Якө, кылө, раксө:





— Пыжыс миян!  
— Вөлі тиян,  
Пароходыс лоо миян!  
Эз коль здук, и пыжө — дизь!  
Курөг колькыйысь ыджыд из.

Мый нө тайө, збыль-ө, теш-ө?  
Мөд из дойдис менсьым плешөс.  
Васька пузис: — Зорйыс кытөн?  
Лыддям отитөг ордлытө!  
Быттьө төвныр нуис тась,—  
Пышйис Якө. Öвсис Вась.

Уджным! Уджным! Чис ни, пис ни.  
Көть мед регыд локталісны...  
Со и локталөны ёртъяс —  
Рөзваль пасьятөсь нырбордъяс.  
— Мун — тэ доймин! — ыстө Вась.  
— Пароходөн кө — ме дась!

Быдөн мырсьыштім ас пайысь:  
Фазим кытш кык көлесаысь,  
Паличьясас — пөвйысь бордъяс.  
— Ми тай, другъяс, прамөй мортъяс!  
Артмис и кос көлеса.  
Ставөн горөдім: — Ура!

Эгө, ми эг вөчөй пакөсьт,  
Чөрслысь вал кос көлесакод,  
Но и Васька, но и дивө,  
Бура-й йитіс сюмыс шкивөн!  
— Бергөдлыныс, кылан, друг,  
Кай да вай төчила крук.

Ставыс ладмө, ставыс пусьө,  
Быттьө шышкала, зөв гусьөн  
Вошлі гортөдз. Бөр нин сэтөн  
Горза, ошйыся портретөн:



— Ленин миян лоас тан  
Медся ыджыд капитан!  
Быль корабльö сөлім дасөн.  
Пар пыдди кос көлесасө  
Крукөн бергөдлам мый вынысь.  
О-о! Кыдз пуркйö тшыныс!  
Көлесаяслөн быд лоп  
Катьö васö: «Шлоп, шлоп, шлоп!»

Ленинкөд дыр кывтім-катім,  
Бөр нин локтам. Гортным матын.  
Петіс пыжа: — Сюра сөтгяс!  
— Бисин! Ставнымөс вот вöйтас!  
Васька вомаліс: — Эн пов.  
Сьökыд босьтны даслысь лов.

Помся сынö, сынö, сынö, —  
Бисин матыстчö лёк вынөн.  
Гажа. Синным кө эз ылөд.  
— Он босьт! — Миша горзö, кылö, —  
Пыжыд дзоля, ачыл код.  
Миян быдса пароход!

— Жаль нин лоöма сісь пыжыд! —  
Скөрла сьвтча, — весась, выжыв!  
Усйись бурөн, кийд дженьыд,  
Капитаныс тані Ленин!  
Ленин, мися! Кылан он?  
Мирас сійö медся ён!

— Ак тэ, коммунистлөн чурка! —  
Бисин сьвтчö. — Вомад зурга! —  
Чечыштіс: — Ад быин сота!  
Пароходдзыс эз во да,  
Кода юрнад ваö — быз!  
Он вöй, мися, госыд кыз...



Чайтан, Бисин вöйис, вошис?  
Чуръявліс на съд ёсь тошыс.  
Сöмын сэки, сөкъя тшакö,  
Кор нин пуктісны кулакö,  
Кодыр шедіс татшöм чин,  
Биыс кусі, пемдіс син.

Юалад, мый лои водзö?  
Йöзыс пырисны колхозö.  
Бать со выль туй сиö, кылö,  
Пароходсянь трактор вылö.  
Шуö: — Ваясны көрт вöv,  
Велöдчышт, и сэтчö сöv.



Номи республиканская  
ДЕТСКАЯ БИБЛИОТЕКА  
имени С. Я. Маршакa

103510



4 кӧп.

**ДЛЯ МЛАДШЕГО ШКОЛЬНОГО ВОЗРАСТА**

**Иван Михайлович**

**БАВИЛИН**

**НАШ ПАРОХОД**

**поэма**

**на коми языке**

Художник В. Пунегов

Редактор В. Попов

Худож. редактор М. Безносов

Техн. редактор И. Цивунин

Корректор А. Надуткина

Сдано в набор 24.XII.69 г. Подписано к печати 12.III.1970 г. Бум. № 1,  
60×84<sup>1/16</sup> 1 печ. л., 0,5 бум. л. (Уч.-изд. л. 0,73). Тираж 2000.  
Заказ № 6304. Цена 4 коп. Коми книжное издательство. Сыктывкар,  
Дом печати.

г. Сыктывкар, Республиканская типография Управления по печати  
при Совете Министров Коми АССР.